

Headline	UniKL gagal memanfaatkan kelebihan pemain		
MediaTitle	Utusan Malaysia		
Date	05 Sep 2016	Language	Malay
Circulation	171,663	Readership	563,000
Section	Sukan	Page No	39
ArticleSize	131 cm ²	Journalist	N/A
PR Value	RM 7,767		



UniKL gagal memanfaatkan kelebihan pemain

KUALA LUMPUR 4

Sept. - Universiti Kuala Lumpur (UniKL) gagal mengambil kesempatan ke atas Pasukan Hoki Terengganu (THT) yang bermain dengan 10 pemain apabila tewas 1-2 dalam saingan Liga Hoki Malaysia (TNB-MHL 2016) yang berlangsung di Stadium Hoki Kuala Lumpur hari ini.

Ia merupakan satu aksi yang hambar dipamerkan oleh pasukan UniKL yang sepatutnya pulang dengan sekurang-kurangnya satu mata.

"Kami gagal menyempurnakan pukulan sudut penalti, pada masa sama tidak mengambil peluang yang ada. Kami perlu menjadi lebih yakin di bahagian serangan apabila berdepan pertahanan pihak lawan," kata jurulatih UniKL, Arul Selvaraj.

Gol pertama THT hadir menerusi Tengku Ahmad Tajuddin Tengku Jalil pada minit ke-21 sebelum rakan sepasukannya Jang Jong Nam menjadikan kedudukan 2-0 sewaktu minit ke-25.

Perlawanan tersebut menyaksikan penyerang THT, Faizal Saari dilayangkan kad merah pada minit ke-35, sekali gus menyebabkan pasukan berkenaan terpaksa beraksi dengan 10 pemain, manakala gol tunggal UniKL hadir menerusi Abdul Khaliq Harrin pada minit ke-54.

Sementara itu Kelab Hoki Kuala Lumpur (KLHC) berpesta gol menjewaskan Maybank 7-2, manakala Sapura sekidar meraih kemenangan tipis 2-1 ke atas Tenaga Nasional Berhad (TNB).